

**Октября в 1-й День.**

## **Покров Пресвятыя Владычицы нашея Богородицы и Приснодевы Марии.**

### **На Малой Вечерни**

#### **Стихиры самогласны, глас 1, на 4.**

**На** Вышних Престолах почиваяй Един Бог, / превыше земли подал есть видети Своему угоднику, / пребожественней руце молебнo / Простирающу, о граде и о людех молящуся Тебе, Владычице. / Покрый и ныне, Госпоже, / нас омофором милости Твоея.

**Град**, почитающий Тя / и по долгу славящий, покрываеши, Пречистая, / Твоим омофором честным, / от нахождения противных, / от глада же и труса, / и междуусобныя брани, / Дево Неискусобрачная, / Богоневесто, / человекoв Покров и Заступление.

**Палата** одушевленная Христова, / верным же стена, / и покров и держава, / Тобою град Твой, Богомати, спасается, / Твоею помощию правовернии / венчаются, Тобою, / хвалящися присно, / победы на поганья носят: / покрываеши бо омофором милости Твоея.

#### **Слава, и ныне, глас 6.**

**Приидите**, празднoлюбных собори, / Пресвятую Деву воспоим, / днесь бо Ангели со святыми празднуют / честный Покров Божия Матере / и к похвалению нас, / земных, призывают вопити непрестанным гласом: / радуйся, Церкви чудное / Украшение и всему миру предивный Покров. / Радуйся, верным пособие / на бранех и воином соблюдение / радуйся, Покрове и Заступление наше; / Тебе бо христианский род непрестанно блажит.

#### **На стиховне стихиры, глас 2.**

**Подобен:** Дoме Евфрафов:

**Слава** на Небесех / и на земли веселие, / яко Царица / со всеми святыми / за вся ны в Церкви молится.

**Стих:** Слыши, Дщи и виждь, и приклони ухо Твое.

**Приидите**, вернии, / во святую церковь: / тамо бо Богородица / омофором покрывает люди / от всех напастей вражиих.

**Стих:** Лицу Твоему помолятся богатии людстии.

**Пречистая** Богородице, / не забуди нас, / Твоих рабов, / но за ны молися, / верою поющия Тя.

### **Слава и ныне, глас 3.**

**П**риидите, вси празднoлюбцы, / честный Покров Божия Матере ублажим: / к Сыну бо руке милостивно простре, / и святым Покровом Ея мир огражден бысть. / Темже усты и сердцем и песньми / и пении духовными / со всеми притекающими празднуим светло.

### **Тропарь, глас 4.**

**Д**несь благовернии людие светло празднуем, / осеняеми Твоим, Богомати, пришествием, / и к Твоему взирающе Пречистому образу, / умильно глаголем: / покрый нас честным Твоим Покровом / и избави нас от всякаго зла, / молящи Сына Твоего, / Христа Бога нашего, / спасти души наша.

## НА ВЕЛИЦЕЙ ВЕЧЕРНИ

**Блажен муж: антифон 1.**

**Стихиры Покрова на 4, аще престол на 8, глас 1.**

**Подобен: О, дивное чудо:**

**О**, великое Заступление / печальным еси, Богородице Чистая, / скорая Помощнице, / спасение міра и утверждение, / милости пучина, / Божия мудрости Источнице, / міру Покров: / воспоем, вернии, светлый омофор Ея, / хваляще неизреченно: / Обрадованная, радуйся, с Тобою Господь, / подай міру Тобою велию милость.

**Д**ивный прорече Исаия: / будет бо, рече, в последняя дни яве гора Господня / и дом Господень верху горы: / увидедем же, Владычице, / о Тебе истинное сбытие, / горы бо и холми украсишася / многоименитыми церквами Твоих праздников. / Тем весело вопием Ти: / Обрадованная, радуйся, / с Тобою Господь, / подай міру Тобою велию милость.

**О**, чудное украшение / всем верным еси, / пророческое истинное сбытие, / апостолом слава и мучеником удобрение, / девству похвала и всему міру предивный Покров. / Покрый, Владычице, / омофором милости Твоя вся люди, вопиющия: / Обрадованная, радуйся, с Тобою Господь, / Подай міру Тобою велию милость.

**Ины стихиры, глас 4.**

**Подобен: Яко добля:**

**Я**ко Богонасажденный рай / и место Животнаго древа, / напаяемо Духом Святым, Тебе, Богородице, / сведуще, Творца всех Рождшую, / животным хлебом верныя Питающа, / Емуже о нас с Предтечею молися, / честным омофором / покрывающи люди от всякия напасти.

**О**свящается небо и земля, / Церковь же светится и людие вси веселятся: / се бо Мати Божия со Ангельскими воинствы, / с Предтечею и Богословом, / с пророки же и Апостолы, / невидимо вшедши, / за христианы молится Христу помиловати град и люди, / славящия Тоя Покрова праздник.

**Д**оброту Тя Иаковлю / и Лествицу Небесную, / по нейже Господь сниде на землю, / тех же тогда образи Твою честь и славу, / Богородице, проявляху. Тя, / Рождшую Бога всех, / блажат Небеснии Ангели и земнии человецы, / яко за весь мір молишися, / покрывающи милостию Твой честный совершающих праздник.

**В**озсия днесь радостный праздник / всечестнаго Покрова Божия Матере: / днесь бо Царица и Владычица всех, / руце Свои простерши к сыну Своему, / молится прилежно, / просящи міра мірови, / покрывающи люди от нахождения иноплеменных / омофором милости Своя и, / Тобою хвалящася, / победы на сопротивныя просят покрывающася / омофором человеколюбия Твоего.

### **Слава, и ныне, глас 8.**

Срадуются с нами умная / вся чиноначалия, / духовно совокупльше чувственный лик, / видяще Царицу и Владычицу всех / многоименне верными славиму: / радуются же и души праведных, / сущие зрителие видения на воздухе / молебно простирающу всечестней Свои руце, / просящу умирения міру и спасения душ наших.

### **Вход. Прокимен дне. И чтения три.**

#### **На стиховне стихиры, глас 2.**

**Я**ко всех вышши сущи Небесных и земных, / Херувим славнейши и всея твари честнейши, / Тебе, Заступницу и Покров державен, / Христианскому роду / Христос дарова покрывати и спасати люди согрешшыя, / к Тебе притекающия. / Темже Прибежище всем, / Тебе воспеваем, Владычице, / И честный праздник Твоего Покрова празднуем светло, / Христа молящи даровати нам велию милость.

#### **Глас 5.**

**Стих:** **Слыши, Дщи и виждь, и приклони ухо Твое.**

**В**оспоим, людие, / светло Давидскую песнь / Отроковице Невесте, / Божии Матере всех Царя Христа: / предста Царица одесную Тебе, Владыко, / рясны златыми одеяна / и преукрашена Божественными лепотами. / Сию бо, избранную в женах, / паче всего міра удобрив, / благоизволи родитися от Нея, / великия ради милости, / и Сию Помощницу людем Своим / дарова строити и покрывати / от всякия беды рабы Своя, / Едину Благословенную.

#### **Глас 7.**

**Стих:** **Лицу твоему помолятся богатии людстии.**

**Г**ора еси велика и преславна, / паче горы Синайския, Богородице: / она бо, не терпящи снития / Славы Божия во образе и сенех, / огнем возгарашеся, и громи и молнии тамо быша. / Ты же всего в Себе Божественнаго Огня сущи, / Божия Слова во чреве неопально носила еси, / манием Носящаго вся, / и, Матерне дерзновение к Нему имущи, / помози, Владычице, верно празднующим / Твой честный праздник и не забуди, / милостивно посещаючи: / прияла бо еси от Бога дар строити / и покрывати христоименитое / твое стадо, рабы Твоя.

### **Слава, и ныне, глас 2.**

**Я**ко венцем пресветлым, / Всечистая Богородице, / Покровом Твоим Честным / Церковь Божия приодеся и светится, / радующися, днесь, и тайно ликовствует, / Владычице, вопиючи Тебе: / радуйся, одеяние Честное / и Венче Божия славы: / радуйся, Едина славы совершение / и вечное веселие: / радуйся, к тебе притекающим Пристанище, / и Избавление, и Спасение наше.

## **Ины стихиры, глас 2.**

**Подобен:** ДOME Евфрафов:

**Д**OME Евфрафов, / Палато Царя Небеснаго, / всему міру / Покрове / и помощь народу нашему.

**Г**раде Божий / Небеснаго Царя, / покрый град Свой, / Покровом милости Твоя, / Богородице.

**В**сех пророк / истинное сбытие, / Ты еси, Богородице, / покрый нас омофором / милосердия Твоего, Владычице.

**В**се упование мое / на Тя возлагаю, / Мати Божия, / сохрани мя / под Кровом Твоим.

## **Тропарь, глас 4.**

**Д**несь благовернии людие светло празднуем, / осеняеми Твоим, Богомати, пришествием, / и к Твоему взирающе Пречистому образу, / умильно глаголем: / покрый нас честным Твоим Покровом / и избави нас от всякаго зла, / молящи Сына Твоего, / Христа Бога нашего, / спасти души наша.

## НА УТРЕНИ,

### по 1-м стихословии седален, глас 3:

Божественными сиянии / ангельских воинств обступаема, / и с чинми пророк и апостол, / честно службу приемлющи, / яко Мати Божия, посети нас Твоих раб, / молящи Христа Бога нашего, / даровати нам велию милость.

**Слава, и ныне, тойже.**

### По 2-м стихословии седален, глас 6:

Безпомощным крепость, / Ты воистинну Пречистая Богомати, / отсюда смиреннии Тобою возвышаемся, / о Тебе высоте держимся: / всем Ты еси Покров / и к Богу Ходатаица.

**Слава, и ныне, тойже.**

### По полиелеи седален, глас 4:

Яко древняго воистинну пречестнее кивота, / Твой пречестный омофор, / паче илектра просвещаяся, / невестественне, / но духовне нетленными Твоими пречистыми руками простираемь, / соблюдает милостивно чествующих / благоукрашенный праздник Твоего Покрова, / Владычце, воньже сошедшеся усердно празднуем.

**Слава, и ныне, тойже.**

### Степенна, глас 4. Антифон 1-й, ихже стихи повторяюще поем:

От юности моя / мнози борют мя страсти, / но Сам мя заступи, / и спаси Спасе мой.

Ненавидящи Сиона, / посрамитесь от Господа, / яко трава бо огнем / будете изсохше.

**Слава:** / Святым Духом / всяка душа живится, / и чистотою возвышается, / светлеется Троическим Единством священнотайне.

**И ныне, тойже.**

### Прокимен, глас 4:

Помяну имя Твое во всяком роде и роде.

**Стих:** Лицу Твоему помолятся:

Всякое дыхание:

### Евангелие Луки, зачало 4.

Востáвши же мрї́имь во дни тѣмъ, ѿиде въ гóрнѣмъ со тѣмъ, во градъ ѿдовъ: и вниде въ домъ захáрїинъ и цѣловá елїсавѣть. И бысть ѿкъ оуслыша елїсавѣть цѣловáнїе мрї́ино, възграсá младѣнецъ во чрѣвѣ еѣ: и испóнисá дѣа стѣ

Ѹлїсаветѣ, ѿ возопї гласомъ вѣлїи, ѿ рече: бл҃гвѣна ты въ женѣхъ, ѿ бл҃гвѣнъ плодѣхъ  
чрѣва твоегѡ: ѿ ѿкъдѡдъ мнѣ сїе, да прїидеть мѣи гдѣа моего ко мнѣ; сѣ бо, ѿкъ  
выстѣ гласѣхъ цѣлованїа твоегѡ во оушїю мою, възгрѣсѣ младенецъ радощами во  
чрѣвѣхъ моихъ: ѿ бл҃женна вѣровавшаа, ѿкъ вѣдетъ совершенїе гл҃гѡаннымъ ѿ гдѣа.  
**И** рече мрїамъ: величитъ дшѣ моѡ гдѣа, ѿ възрадѡвасѣ дхъ мой ѡ вѣхъ спсѣхъ  
моихъ: ѿкъ призрѣ на смиренїе равнѣ своеѡ: сѣ бо, ѿннѣхъ оублажатъ мѡ всї рѡди:  
ѿкъ сотвори мнѣ величїе сильный, ѿ стѡ ѿма Ѹгѡ: **Превыстѣ** же мрїамъ съ нею ѿкъ  
трїи мѣцы ѿ возвратїсѣ въ дѡмъ свой.

### По 50-м псалме

**Слава:** / Молитвами апостолов, / Милостиве, очисти / множества согрешений  
наших.

**И ныне:** / Молитвами Богородицы, / Милостиве, очисти / множества  
согрешений наших.

**Таже, глас 6:** Помилуй мя Боже / по велицей милости Твоей, / и по  
множеству щедрот Твоих / очисти беззаконие мое.

### Стихира, глас 8:

Срадуются с нами умная / вся чиноначалїа, / духовно совокупльше  
чувственный лик, / видяще Царицу и Владычицу всех / многоименне верными  
славиму: / радуются же и души праведных, / сущїе зрителие видения на воздусе /  
молебнѡ простирающу всечестней Свои руке, / просящу умирения мїру и  
спасения душ наших.

### Канон Богородицы на 12: ирмос по дважды, глас 4.

#### Песнь 1.

**Ирмос:** Отверзу уста моя, / и наполнятся Духа, / и слово отрыгну Царице  
Матери, / и явлюся светло торжествуя, / и воспѡю радуюся Тѡя чудеса.

**С** чинми святыхъ ангелъ, и с соборы пророкъ и апостолъ, в славе велицей, яко  
Мати Божїа днесъ в церковь вшедши за христианы молишися, от напасти и  
печали избавляеши вся, покрывающїи твоею милостию.

**С**кинию Тя Моисей, и жезл Аароновъ именована: Ты бо животное Древо Христа  
процвѣла еси, к Немуже дерзновение имущїа, за ны чествующыя Тя, Царице,  
помолися избавити нас от всякаго зла: да Твоего Покрова праздникъ славимъ.

**Не** яко предъ кивотомъ древле собравъ Давидъ лики, играетъ: но паче ныне с чинми  
святыхъ предъ Тобою текуще в церковь, Тебе кланяющесѣ глаголютъ: моли за  
чествующыя Тя люди, да Твой славяще Покровъ, честно празднуемъ.

Поют Тя, Богородице, ангельстии чини, и славят патриарси со святители, пред лицом Ти текуще в церковь. с нимиже Тя тогда святой Андрей виде за ны грешныя к Богу молящуюся помилovati люди, славящыя Твоего Покрова праздник.

**Катавасиа, ирмос тойже.**

### **Песнь 3.**

**Ирмос:** Твоя песнословцы, Богородице, / живой и независтный Источниче, / лик себе совокупльшыя духовно утверди, / в Божественней Твоей славе / венцев славы сподоби.

**Клас** прозябшая Божественный, яко нива неоранная яве радуйся, одушевленная трапезо, Хлеб Животный вмещая. Радуйся животныя воды Источниче неистошчимый, Владычице.

**Твои** раби, Владычице, в церкви Твоей верою предстояще, Твоя ожидаем милости: посети наше смирение, и Твоим святым покровом защити императора и люди от всякаго зла.

**Многоименитая** Дево, пророки проображена честно, иже Тебе ныне со ангелы служат, с нимиже о нас к Богу молися, да Твоего Покрова святой день радующеся вси светло празднуем.

**Геден** Тя руно прообрази, на Тя бо яко роса Христос Бог сниде, к Немуже, Богородице, молися, победу дати императору нашему на враги, да яко мадиамы низложив, прославит святой Твой праздник.

**Паче** солнечных лучь, твоим блистающим омофором, освещаеши церковь и люди, и тьму грехов наших отгониши посещением Твоим, Богородице, к Сыну Твоему и Богу за ны молящихся.

### **По 3-й песни седален, глас 5:**

**Теплая** Предстательнице и непобедимая, / Упование известное и непостыдное, / стено и Покрове и пристанище / прибегающим к Тебе, Приснодево Чистая, / Сына Твоего и Бога моли со ангелы, / умирение дати миру, / и спасение, и велию милость.

**Слава, и ныне, тойже.**

### **Песнь 4.**

**Ирмос:** Седяй в славе / на престоле Божества, / во облаце легце прииде Иисус Пребожественный, / нетленною дланию, и спасе зовущыя: / слава, Христе, силе Твоей.

**Во** гласех пений, Дево, Тебе вопием Всепетая: радуйся, тучная горо и усыренная Духом. радуйся, свещниче, и стамно манну носящая, услаждающая всех благочестивых чувства.

**П**аче Аарона кивота, всю Тя Бог освятил ест Духом, Богородице, Святым, и ангелом служити Тебе повеле, с нимиже за град и люди молися, Твой славящих честный праздник.

**П**рииди ныне в славе в Твою, Богородице, церковь, с соборы всех святых, яко иногда Тя святой Андрей виде на воздусе светле за христианы молящуюся, и подаждь нам Твою милость.

**У**крепи, Владычице, славящаго Тя императора нашего на противныя враги, яко Давида на Голиафа, да Тебе веселящися вопием: радуйся, Покрове святой, и Заступнице граду нашему.

**Т**ебе припадаем, Госпоже, верою, и поклоняющися благодарно вопием Ти: радуйся, Богоблагодатная Дево, Покрове и ограждение наше, и Помощнице в беде сущым, спаси нас к Тебе прибегающих, на Тя бо надеемся.

### **Песнь 5.**

**Ирмос: Ужасошася всяческая / о Божественной славе Твоей: / Ты бо Неискусобрачная Дево, / имела еси во утробе над всеми Бога, / и родила еси Безлетнаго Сына, / всем воспевающим Тя / мир подавающая.**

**О**др Тя древле Соломон написа, и ложницу Небеснаго Царя, обступаему серафимы, еже о Тебе речеся, Богородице. Тем Тя ныне молим, Мати Божия Всесвятая: покрый нас от всех бед.

**Т**ебе ангелов старейшины, и честнии пророцы со апостолы, яко Матери Божии, честно служат, видяще Тя за мир молитву творящу: Твоя же прошения послушав Господь, спасает град и люди на Тя надеющиеся.

**В**еликий Тя во пророцех Исаиа прорече, глаголя Бога родити неискусобратно: Ты бо, чистая Марие, святейши всех была еси, Бога бо во утробе и на руку носила еси. Емуже за ны молися, Твоим осеняющи Покровом верою Тя славящих.

**Д**уховными паряще крылы, святых собори тайно приидоша Тебе послужити, Богородице, видяще Тя на легце облаце славы, ко Спасу Христу молящуюся, подати победу императору нашему, погубити воюющих нас.

### **Песнь 6.**

**Ирмос: Божественное сие и всечестное / совершающе празднество, / богомудрии Богоматере, / приидите руками восплещим / от Нея Рождшагося Бога славим.**

**И**ерее богомудрии, в церкви Твоей с людьми благочестивыми предстояще, Твоя ожидают, Богородице, милости: премени на радость нашу печаль, Радость бо родила еси, всех человеков грехи Отпустившаго.

**Т**ебе вся земля дары приносит, яко Царице Божии Матери: царие и князи кланяются, и людие вси веселятся, покрываеми от всякаго зла Твоими, Богородице, молитвами.

**Г**ору ты велику Даниил пронаписа: из Тебе бо без семени родился Христос, и сокруши всю демонскую лесь, и всю Своя веры исполни землю, к Немуже за ны, Богородице, молися, славящя Твоего Покрова праздник.

**А**нгельский глас взываем Ти, Пречистая: радуйся Престоле Божий, на немже Иезекииль виде Господа, в подобии человека носима херувимы. С нимиже за ны, Богородице, молися, да спасет души наша.

### **Кондак, глас 3:**

#### **Подобен: Дева днесь:**

**Д**ева днесь предстоит в церкви, / и с лики святых невидимо за ны молится Богу: / ангели со архиереи покланяются, / апостоли же со пророки ликовствуют: / нас бо ради молит Богородица Превечнаго Бога.

**Икос: Т**оя преславных чудес приидите, людие, насладимся: Сею бо Адам от тли избавися, Та бо и ковчег, не Ноем но Богом сотворен бысть. Древле убо Моисей в купине огненной Бога видети не возможе: ныне же от Тоя Рождшагося вся земля знает Сына Божия, к Немуже за ны молится. Сего ради прославляем Ю, яко Божию Матерь: нас бо ради Богородица молит Превечнаго Бога.

### **Песнь 7.**

**Ирмос: Не послужиша твари богомудрии / паче Создавшаго, / но огненное прещение мужески поправше, / радовахуся поюще: / препетый отец Господь и Бог благословен еси.**

**Н**еисписанная многими пророки, несведома же бысть, Дево, небесными служащими Богу ангелы: ныне же вси вемы Тя Богородицу, и Твоя требуем помощи и заступления, Благословенная.

**Г**ора усыренная Духом, Юже Аввакум виде, точашу верным целебную сладость, Богородице Дево, исцели ны, Сыну Твоему вопиющя: благословен Бог отец наших.

**П**реклонивый небеса, в Тя Дево вселися, и ныне на молитву Твою зрит, Богородице Чистая, Твое Царице исполняя прошение: Емуже за ны усердно помолися, на Тя бо надеемся, Благословенная.

**Т**ворче Спасе наш Христе Боже, приими молитву Твоя матери, Юже Тебе за ны грешныя приносит, да Тебе радующеся поем: Препетый отец наших Боже благословен еси.

## Песнь 8.

**Ирмос:** Отроки благочестивыя в пещи, / Рождество Богородичо спасло есть: / тогда убо образуемое, ныне же действуемое, / вселенную всю воздвизает пети Тебе: / Господа пойте дела, / и превозносите Его во вся веки.

**С** чинми ангел Владычице, с честными и славными пророки, с верховными апостолы, и со священномученки, и со архиереи, за ны грешныя Богу помолися, Твоего Покрова праздник в Российстей земли прославльшыя.

**Г**ордыню и шатания низложи и советы неправедных князей разори, зачинающих рати погуби, о Божия Мати Царице Всечестная: и благочестиваго императора нашего рог возвыси, да Твой праздник славим, Пречистая Богородице Дево, зовуще: Господа воспевайте дела, и превозносите его во вся веки.

**У**сты приносяще Тебе пение, и душею верно поклоняемся: ибо внутрь сердца наша горят. Мати Божия Пречистая, помилуй нас молящихся Тебе, и Господа воспевающих, и превозносящих Его во вся веки.

**М**ногими отягчихся грехи, недоумею по достоянию написать Твоего Покрова, Богородице, похвалы: но яко Мати Божия украси Твой праздник чудесы, да вси радуящися поем Господа, и превозносим Его во вся веки.

## Песнь 9.

**Ирмос:** Всяк земнородный / да взыграется Духом просвещаемь, / да торжествует же безплотных умов естество, / почитающее священное торжество Богоматере, / и да вопиет: / радуйся Всеблаженная / Богородице, Чистая Приснодево.

**В**ысокий Царю, со Отцем седяй и от серафим воспеваемый, призри на молитву Матерню, юже Тебе за ны грешныя приносит, и очисти грехи наша, спаси град, и люди умножи: даждь императору здравие телесе, и на поганья победы, молитвами Рождшия Тя.

**А**нгельский глас вопием Тебе, Дево богоизбранная: радуйся, Яже Адама паки в рай введшая. Радуйся, демоны прогоняющи Твоим именем. Радуйся, Надежде христиан. Радуйся, Освящение душ. Радуйся, Хранительнице града нашего.

**П**омяни нас во Твоих молитвах, Госпоже Дево Богородице, да не погибнем за умножение грехов наших. Покрый нас от всякаго зла и лютых напастей: на Тя бо уповаем, и Твоего Покрова праздник чествующе, Тя величаем.

**Д**ар от Бога прияла еси яко Мати Божия, всех христиан недуги исцеляти, и от бед избавляти, и грехи отпущати, и от пленения спасати, и всякия нужды. Но и нас не презри, Госпоже: веси бо ихже требуем, здравия телесем, и душам спасения.

## **Светилен:**

### **Подобен: Жены услышите:**

**О** Пресвятая Госпоже Дево Богородице, покрый нас чудесным Твоим омофором, сохраняя императора и люди от всякаго зла, якоже Тя пречудный Андрей виде во Влахернстей церкви молящуюся: и ныне нам, Госпоже, послы великую Твою милость. [Трижды]

### **На хвалитех стихиры на 4, глас 8:**

#### **Подобен: О преславнаго чудесе!**

**Тебе** припадаем Госпоже, / умильно кланяющесе молим Тя: / радуйся Богоблаженная Владычице / многоименитая Дево, / пророки проображенная честно: / в Тя бо яко роса Христос Бог сниде, / и родила еси Браконеискусная Чистая, / и на руку носила еси всех Творца и Господа. / Емуже ныне о нас молися / славящих верно Твоего Покрова праздник. [Дважды]

**Поют** Тя, Дево Богородице, / ангельстии чини и славят патриарси со архиереи, / и святии апостоли, / яко Матери Божии честно служат Тебе, / видяще Тя за мир молитву творящую, / ко Спасу всех Христу Богу. / Емуже помолися, / избавити град и люди, / славящия Тя верно, / и Твоего Покрова праздник чествующия.

**Паче** Аароня кивота, / всю Тя Бог освяти, / Духом Богородице Святым: / и паче солнечных лучь Твоим / светящимся омофором освещаеши Церковь / и люди и тьму грехов наших отгоняеши: / избавляеши же от бед / и скорбей верою чествующия / Твоего честнаго Покрова праздник.

### **Слава, и ныне, глас 6:**

**Яко** виде Тя пречудный Андрей / на воздухе, / со архангельским множеством, / со апостолы и пророки, / и множеством мучеников, / Сыну Твоему и Богу нашему / о граде и людех молящуюся, / Владычице, / и честным Твоим Покровом покрывающую: / не оскудей и ныне, / Пречистая, / спасти изрядное достояние Твоего Сына, / пречестный праздник Твой празднующее, / Многопетая.

### **Славословие великое. И отпуст.**

## НА ЛИТУРГИИ:

### Блаженна от канона, песнь 3-я и 6-я:

- 1.** С чинми святых ангел, и с соборы пророк и апостол, в славе велицей, яко Мати Божия днешь в церковь вшедши за христианы молишися, от напасти и печали избавляеши вся, покрываючи твоею милостию.
- 2.** Скинию Тя Моисей, и жезл Ааронов именована: Ты бо животное Древо Христа процвела еси, к Немуже дерзновение имущи, за ны чествующыя Тя, Царице, помолися избавити нас от всякаго зла: да Твоего Покрова праздник славим.
- 3.** Не яко пред кивотом древле собрав Давид лики, играет: но паче ныне с чинми святых пред Тобою текуще в церковь, Тебе кланяющесе глаголют: моли за чествующыя Тя люди, да Твой славяще Покров, честно празднуем.
- 4.** Поют Тя, Богородице, ангельстии чини, и славят патриарси со святители, пред лицом Ти текуще в церковь. с нимиже Тя тогда святой Андрей виде за ны грешныя к Богу молящюся помиловати люди, славящыя Твоего Покрова праздник.
- 5.** Иерее богомудрии, в церкви Твоей с людьми благочестивыми предстояще, Твоя ожидают, Богородице, милости: премени на радость нашу печаль, Радость бо родила еси, всех человеков грехи Отпустившаго.
- 6.** Тебе вся земля дары приносит, яко Царице Божии Матери: царие и князи кланяются, и людие вси веселятся, покрываеми от всякаго зла Твоими, Богородице, молитвами.
- 7.** Гору тя велику Даниил пронаписа: из Тебе бо без семене родися Христос, и сокруши всю демонскую лесь, и всю Своея веры исполни землю, к Немуже за ны, Богородице, молися, славящыя Твоего Покрова праздник.
- 8.** Ангельский глас взываем Ти, Пречистая: радуйся Престоле Божий, на немже Иезекииль виде Господа, в подобии человека носима херувимы. С нимиже за ны, Богородице, молися, да спасет души наша.

### Тропарь, глас 4.

Днешь благовернии людие светло празднуем, / осеняеми Твоим, Богомати, пришествием, / и к Твоему взирающе Пречистому образу, / умильно глаголем: / покрый нас честным Твоим Покровом / и избави нас от всякаго зла, / молящи Сына Твоего, / Христа Бога нашего, / спасти души наша.

### Кондак, глас 3:

#### Подобен: Дева днесь:

Дева днесь предстоит в церкви, / и с лики святых невидимо за ны молится Богу: / ангели со архиереи покланяются, / апостоли же со пророки ликовствуют: / нас бо ради молит Богородица Превечнаго Бога.

### Прокимен, песнь Богородицы, глас 3:

**Прокимен:** Величитъ дѣла моѧ гдѧ, и возрадовася дхъ мой ѡ вѣѣ спсѣ моѧ:

**Стих:** ѡкѡ призрѣ на смиренїе рабы своѧ: се бо, ѡнѣ ѡблажатъ мѧ вси роди: :

### Апостол ко евреем, зачало 320.

**Братїе:** Имѣаше ѡубо перваа скнїа ѡправданїа слѣбвы, стѡе же людское: скнїа во сошрѣженѧ вѣсть перваа, въ нейже свѣтїльникъ и трапѣза и предложенїе хлѣбшвъ, ѡже глаголетсѧ стѡа. **По** вторѣй же завѣсѣ скнїа глаголемая стѡа стѣхъ, златѣ имѣци кадилицѣ и ковчѣгъ завѣта ѡкованъ всюдѣ златомъ, въ немже стѡина златѧ имѣцѧ мѧннѣ, и жезлѣ аарѡновѣ прозѣвшїй, и скрижалѣ завѣта: превѣшше же єгѡ херувїми славы, ѡсѣнаюци ѡлтарь: ѡ нихже не лѣтъ нѣѣ глаголати подрѡбнѣ. **С**имъ же тѡкѡ ѡустрѡенымъ, въ первѡю ѡубо скнїю вынѣ вхождахѣ свѣщенницы, слѣбвы совершающе: во вторѡю же єдиною въ лѣто єдинъ архїерей, не везѣ крове, ѡже приноситъ за себѣ и ѡ людскихѣ невѣжествїихѣ.

**Аллилуиа, глас 8:** Слыши, дщи, и виждь, и приклони ѡухѡ твоѣ, и завѣди люди твоѧ и домъ ѡтца твоєгѡ:

**Стих:** лицѣ твоємѣ помѡлатсѧ богѧтїи людстїи.

### Евангелие Луки, зачало 54.

**Во** время оно: **Б**ысть же ходѧщымъ имъ, и самъ видѣ въ весь нѣкѡю: жена же нѣкаа именею марѡа прїѧтъ єгѡ въ домъ свой: и сестра єй вѣ нарицѧемаа марїа, ѡже и сѣдши при ногѣ иисвѣ, слышаше слово єгѡ. **М**арѡа же мѡвѣшше ѡ мнозѣ слѣбвѣ, ставши же речѣ: гдѣи, не врежѣши ли, ѡкѡ сестра моѧ єдинѣ мѧ ѡстави слѣжити; рцы ѡубо єй, да ми помѡжетъ. **Ѡ**вѣщавъ же иисъ речѣ єй: марѡо, марѡо, печѣшисѧ и мѡвѣши ѡ мнозѣ, єдино же єсть на потребѣ. **М**арїа же блѣгѡ часть избрѧ, ѡже не ѡиметсѧ ѡ неѧ. **Б**ысть же єгда глаше сѧ, воздвїгши нѣкаа женѧ

гласъ ѿ народа, рече ѓмъ: блжєно чрево носившее тлѧ, и сосца, ѿже ѓси ссѧлъ. **Онъ**  
же рече: тѣмже оубо блжєни слышати слово вжїе и хранѧщи ѓ.

**Причастен:** Чшѧ спїѧ прїимѧ и ѿмѧ гдѧне призовѧ: